

嘉慶御內府物庫

茶

龍

鳳

茶

龍

古匱厚器盤版

永壽縣志餘序

余重修永壽縣新志成既鈐版問世茲取而覆閱之
諸卷中疏畧頗多又年來近事日增未遑備載雖新
志已輯補遺一卷仍不免罅漏之譏於是續修永壽
縣志餘二卷悉依新志次第就見聞所逮者采掇成
編其門類不必皆備所謂志之餘爾曩新志巧太倉
王丈半庵屬彙每綴一辭述一事胥注明出自某書
此倣樂子正太平寰宇記宋次道長安志高續古雜
錄體製余續修永壽縣志餘凡所綴述多得諸故老
流傳與夫躬親閱歷不復引書作證殆文不足而獻
有餘要之無假借無粉飾事真辭實初不敢爲鑿空
之談也若夫摹民物之恬嬉擷川原之淑秀

道德一車書同

聖皇天下在宥之淳風新志蓋已鋪陳巍煥故無庸更數
而載颺矣是爲序

嘉慶元年歲次丙辰秋七月上澣永壽縣知縣元和
蔣基亦堂氏謹撰

武寧縣志
卷之五
圖

武寧縣志餘圖

觀音泉圖


麻亭嶺

大西門

武寧河



安頭




好禮園

好禮園

石牛山

靈覺山



善壽寺

洪濟河

堅固嶺

呂公渠圖

永壽縣志卷之二

三



好時河

水蘭山

三

樊家渠

杜渠

吳家堡

王家街

王家渠

解家渠

高崖頭

李家渠

趙家渠

解家渠

西渠

楊木灣


分水嶺

三

呂公渠源

三

自源至渠計
一千二百六
十二步



永壽縣志備圖

四

周禮地官大司徒以天下土地之圖周知九州之地
 域廣輪之數又夏官職方氏掌天下之圖以掌天下
 之地註圖若今司空郡國輿地圖也凡郡邑志書之
 有圖殆仿其遺意余重修永壽縣新志繪圖者三曰
 分野疆域縣治亦既足以仰觀而俯察已抑余更放
 邦國之地非一有山國土國澤國水地崔嵬戴石是
 為山國水澤最艱思其艱以圖其易民乃寧則有若
 觀音普渡寺靈泉天旱祈禱亢陽弭而甘露興也好
 時河東西八渠計畝均霑田疇之所浸灌也呂汲公
 惠民三泉盈科漸進昏暮之所取求也於是別繪三
 圖續列志餘蓋山區也而水利蒼焉矣夫秦中多名

勝地高山大川靈應丕著洪惟

太白山神湫禳雨潤澤應鴻忻遇今

大中丞芝軒秦公

奏蒙

聖俞臚舉祀典自餘一切境內河渠隄防疏濬歲有恒規

罔弗上德

宸懷旁紆

憲畫猥膺一命責重分猷敬爾在官靈承于旅斯不
小子孜孜之私願也夫

永壽縣志餘總目

卷一

地輿

古蹟

建置

風俗

土產

賦役

祀典

職官

選舉

永壽縣志餘總目

人物

卷二

藝文

永壽縣志餘卷一目

地輿

山川

水利

古蹟

寺廟

建置

城池

公署

關梁

鎮堡

永壽縣志餘卷目

營汛

風俗

占候

土產

花屬

賦役

鹽課

祀典

崇祠

羣祭

壇壝

職官

知縣

典史

教諭

選舉

貢生

人物

方技

永壽縣志餘卷一

知縣蔣基續修

地輿類 山川 水利

山川

虎頭山

在縣城南

按永治環山諸峯羅列出縣城南門迤西向西南勢蜿蜒曲折以武陵寺浮圖為虎尾東南逾數十武稍高處為虎脊又逾數十武最高處為虎頭自縣衙廳事瞰之隱隱如山君蹲踞狀肖象命名洵屬巖城屏障

永壽縣志餘卷一

靈覺山

在縣西五里堅固莊

按山下有觀音普渡寺即天旱取水祈雨處靈覺之稱義符象教矣余於乾隆五十八年間輯普渡寺靈湫志一卷備載禱禳顯應事蹟以其靈也而靈之筆之於書為靈昭昭有靈山斯有靈湫山下出泉之象爾

水蘭山

在縣西北境距城里數未詳好時河水源出縣西麟遊縣月原莊南流逕縣屬水蘭山麓

拜家河

在縣西北三十五里水自縣西麟遊縣諸山發源迤東
合邠州縣境太峪河諸水逶入涇河

按拜家河兼跨邠州永壽界地產煤附近居民恒就
煤井生理河以南隸永其地無多僅煤井二三處
永壽石炭已鏡修為土產矣至於列肆駢闐人
密河以北總總林林者則皆邠地也

沙坡河

在縣西北三十里源出拜家河亦東流合太峪河
五龍泉

在縣西南五里

按泉凡有五故名五龍水從石罅中穿溜晝夜潺潺
者甚夥

水利

呂公渠

詳新志卷一乾隆五十七年秋九月知縣蔣基倡捐大
修建泉神廟呂公祠及張公祠并纂呂公渠志一卷

古蹟類 寺廟

寺廟

關帝閣

在縣南關

按縣南關舊有關帝廟久圯乾隆五十九年十月縣

武生長孫步雲縣民郭鳳等募捐重建越嘉慶元年四月告成累土置屋居高建甍故名曰關帝閣是
因余重造春秋享祀之廟遂繼起而踵增之者步雲等可謂敦善率義矣

菩薩廟

東嶽廟

老君廟

俱在縣城南門外新街

按菩薩廟亦名觀音堂新志卷二引舊志載觀音堂

二云一在內城門內當時城周五里故在城內今考

廟宇頗湫隘意古刹已頽後人就其基址而重葺者

永壽縣志餘卷一

三

若東嶽老君二廟與新志卷二載在縣東六十里常寧鎮者係屬兩地

關帝廟

在縣南三里風嘴乾隆四十一年九月商民釀資修建

於此賽願酬神每年五月十三日九月十三日有會

無量廟

菩薩廟

俱在縣南五里俗呼其地爲雙廟

娘娘廟

在縣東南十五里陳家山

泰山廟

在縣南二十里蒿店

佛爺廟

在縣東南二十里郝村

寶覺寺

在縣東南八十里五峯山上

按新志卷一未詳寺名其載在縣北四十里永壽坊者又一寺也

阿姑廟

在縣東北四十里柳樹渠後溝石山

按阿姑姓趙氏醴泉縣石鼓里趙村民家女幼輒厭俗不嫁後雲游至此地俄示寂土人異之爲修像立

永壽縣志餘卷一

四

廟每年七月十五日有會趙村人奉香火者甚盛山溝靈湫汨漚天旱取湫禳雨獨醴泉人尤驗

關帝廟

火神廟

龍王廟

財神廟

俱在縣南四十里監軍鎮乾隆三十二年山陝客民建會館遂次第經營諸神廟

按以上寺廟如南關關帝閣新街菩薩廟風嘴關帝廟監軍鎮會館諸神廟俱自迄今創造而廟貌日駁神庥日遠後之視今猶今之視昔溯嘉名而臚故事

當與秦宮漢時同珍也故并續入古蹟類

建置類

城池

公署

關梁

鎮堡

營汛

城池

詳新志卷三

按周五里高二丈五尺者為舊城周三里共二百一十二丈三尺高二丈八尺者為新城舊城即元至元十五年徙建比時武陵山一帶皆在城內自唐宋以來永壽列為上縣明末兵燹城圯今老城根廢址處人猶有能指視者新城即

本朝康熙八年知縣張焜改造層巖一角窺若彈丸所置板築雉堞之殷并幹烽櫓之勤已復復昔時形勢城之大小殊而縣之繁簡判矣

公署

知縣署

詳新志卷三乾隆六十年知縣蔣基復捐廉修理增置大堂兩旁柵欄題額曰思不出位改葺廳事第三重題額曰尋真

關梁

西極雄關

俗名雄關門

在縣城西南

按縣治依山營建北高於南東隘於西故城外迤東率崎嶇狹路行李罕通而城外迤西路差平曠當商

北城門未闢時爲乾邪車馬往來孔道是關正扼其
要南倚山北倚城東西且峙瞻勝勢之巖我審南
之險固言地利者烏可忽諸或曰是舊城西門之未
盡壞者也

鎮堡

安家宮

在縣南五十里

按唐安金藏墓在此地故名說詳新志卷十今其後
裔猶聚族於斯云

三家店

在縣東南九十里

永壽縣志卷六

六

槐圪塔

在縣東北三十里

平窪堡

在縣西北二十里

樊家坪

在縣西北三十里卽拜家河南有煤井

岳御史鎮

在縣西二十里

按明時有岳公名泰者景泰丙子科舉人官御史意
其故居在此鎮以著名猶明末任公棟官監軍道家
於縣南遂名其地爲監軍鎮耳

紅崖子

在縣西二十五里有煤市

甘井村

在縣西南二十五里

按平窪甘井具載新志而卷三平窪未詳距縣里數
卷一甘井屬山水此甘井屬鎮堡前後不妨複載也

新庄堡

在縣西南一百二十里

營汛

詳新志卷三

按永壽營汛兵六十六名乾隆五十七年八月孤擄

永壽縣志餘卷

七

三水汛馬兵四名來永應差共馬步守兵七十名

風俗類 占候

占候

穀兩種穀白露種麥

按永土苦寒田禾不能再熟故三月種穀而十月刈
穀八月種麥而五月刈麥三月時屆穀雨八月時屆
白露穀與穀取類麥與白同音乘時播種恒冀幸於
雨露之滋培蓋農氓望歲祈年之夙願也

土產類 花屬

花屬

墨菊